



Broj: 08-50.1-96/06
Sarajevo, 24.05.2016. godine

Ministarstvo pravde Bosne i Hercegovine, rješavajući zahtjev Udruženja Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 44/10 i 14/12), donosi

R J E Š E N J E

1. U Registru udruženja Ministarstva pravde Bosne i Hercegovine, kod Udruženja Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, upisanog pod registarskim brojem: RU-483/06, knjiga I Registra, dana 04.08.2006. godine, upisuju se promjene, kako slijedi:
 - Produženje mandata za zastupanje Udruženja u pravnom prometu: Beus Aniti, predsjednici Udruženja i Upravnog vijeća Udruženja i Pilav Bakiru, potpredsjedniku Udruženja i Upravnog vijeća Udruženja.
 - Razrješenje i imenovanje članova Upravnog vijeća Udruženja.
 - Razrješenje i imenovanje članova Nadzornog odbora Udruženja.
2. Ostali upisi u Registru udruženja kod Udruženja Aktuarsko društvo u Bosni i Hercegovini izvršeni na osnovu Rješenja broj: 08-50.1-96/06 od 04.08.2006. godine, ostaju neizmjenjeni.
3. Ovo Rješenje će se objaviti u „Službenom glasniku BiH“, o trošku podnosioca zahtjeva.

O b r a z l o ž e n j e

Udruženje Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, upisano je 04.08.2006. godine u Registar udruženja kod Ministarstva pravde Bosne i Hercegovine, pod registarskim brojem: RU-483/06, knjiga I Registra.

Udruženje je 19.04.2016. godine podnijelo Zahtjev za upis promjena u Registru udruženja ovog Ministarstva.

Tokom postupka, Ministarstvo pravde Bosne i Hercegovine je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja

Ministarstvo je aktom broj: 08-50.1-96/06 od 06.05.2016. godine zatražilo ispravku i dopunu Zahtjeva.

Nakon otklanjanja nedostataka podnosilac Zahtjeva je 09.05.2016. godine i 20.05.2016. godine dostavio sljedeću dokumentaciju: Zapisnik sa 8. Redovne Skupštine Udruženja Aktuarsko Društvo u Bosni i Hercegovini od 17.03.2016. godine; Odluku o razrješenju predsjednice Udruženja broj: 07-1/16 od 17.03.2016. godine; Odluku o imenovanju predsjednice Udruženja broj: 08-1/16 od 17.03.2016. godine; Odluku o razrješenju potpredsjednika Udruženja broj: 07-2/16 od 17.03.2016. godine; Odluku o imenovanju potpredsjednika Udruženja broj: 08-2/16 od 17.03.2016. godine; Odluku o razrješenju članova Upravnog vijeća Udruženja broj: 07-3/16 od 17.03.2016. godine; Odluku o imenovanju članova Upravnog vijeća Udruženja broj: 08-3/16 od 17.03.2016. godine, sa ovjerenim fotokopijama ličnih karata imenovanih osoba; Odluku o razrješenju članova Nadzornog odbora Udruženja broj: 07-4/16 od 17.03.2016. godine; Odluku o imenovanju

članova Nadzornog odbora Udruženja broj: 08-4/16 od 17.03.2016. godine; ovjeren potpis i fotokopija ličnih karata osoba ovlaštenih za zastupanje Udruženja u pravnom prometu i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod Udruženja Aktuarsko Društvo u Bosni i Hercegovini, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.



Dostavljeno:

- Udruženju Aktuarsko Društvo u Bosni i Hercegovini,
Ulica Zmaja od Bosne broj 74, 71 000 Sarajevo
- Zbirka isprava;
- JP NIO "Službeni list BiH".